



**SAMOSTALNI SINDIKAT IZVRŠNOG OSOBLJA
PODRUČJA INFRASTRUKTURE ŽFBiH
Put života 2. 71000 Sarajevo**

Sarajevo, 23.10.2010. god.

Predmet: zapisnik sa vanredne skupštine SSIOPi ŽFBiH

Obavještavamo članstvo Samostalnog Sindikata Izvršnog Osoblja Područja Infrastrukture ŽFBiH da je održana vanredna skupština sindikata dana 23.10.2010.god. sa početkom u 11h u Vip Salonu na adresi Put Života 2 zbog najnovijih dešavanja koja su se dogodila unutar sindikata.

Skupštinu je otvorio Predsjednik Skupštine gosp. Mirsad Alibegović i utvrđeno je da su svi delegati iz svih 6 podružnica prisutni i skupština može početi sa radom. Prije utvrđivanja dnevnog reda je otvorena diskusija vezana za samoinicijativno potpisivanje privremenih izmjena Kolektivnog Ugovora Željezničara FBiH člana. 89 o umanjenju satnice sa 1,94 na 1,75 od strane Predsjednika SSIOPi ŽFBiH gosp. Ismaila Zejnelija.

Nakon toga je uslijedilo kratko obraćanje Predsjednika Sindikata gosp. Ismaila Zejnelija te je od strane delegata njegov govor prekinut nakon čega je Predsjednik Sindikata napustio skupštinu, te je skupština jednoglasno izglasala smjenu dosadašnjeg Predsjednika Sindikata gosp. Ismaila Zejnelija.

Slijedeći dnevni red je bio predložen i jednoglasno usvojen:

- odabir radnog predsjedništva,
- odabir novog Predsjednika Sindikata, Zamjenika i Sekretara,
- konsultacije u vezi formiranja vijeća uposlenika,
- razno.

Radno predsjedništvo su činili gosp. Mehmedalija Pašalić-Predsjednik Podružnice Sarajevo, gosp. Sakib Alihodžić-Predsjednik Podružnice Mostar, gosp. Šehid Avdić-Predsjednik Podružnice Tuzla, gosp. Igor Boban-Predsjednik Podružnice Čapljina, gosp. Nurudin Sivac-Predsjednik Podružnice Zenica i gosp. Suad Gorinjac-Zamjenik Predsjednika Podružnice Bihac.

Nakon toga je gosp. Sakib Alihodžić iznio svoju kandidaturu za Predsjednika SSIOPi ŽFBiH, a već otprije je svoju kandidaturu iznio gosp. Igor Boban.

Zajednički prijedlog Predsjednika Podružnice Zenica gosp. Nurudina Sivca, Predsjednika Podružnice Sarajevo gosp. Mehmedalije Pašalića i Zamjenika Predsjednika Podružnice Bihac gosp. Suada Gorinjca je bio da Predsjednik Sindikata SSIOPi ŽFBiH do naredne izborne skupštine bude gosp. Igor Boban.

Nakon iznošenja ovog prijedloga kandidat za Predsjednika Sindikata do naredne izborne Skupštine gosp. Sakib Alihodžić je napustio Skupštinu i povukao svoju kandidaturu.

Predsjednik Skupštine gosp. Mirsad Alibegović je dao na glasanje da Predsjednik Sindikata do naredne izborne Skupštine bude gosp. Igor Boban.

Ovaj prijedlog je jednoglasno usvojen i Predsjednik Sindikata do naredne izborne Skupštine je gosp. Igor Boban.

Nakon toga je uslijedilo obraćanje novog Predsjednika Sindikata gosp. Igora Bobana prisutnim delegatima.

Za Zamjenika Predsjednika Sindikata je izabran gosp. Šehid Avdić.

Za Sekretara Sindikata je izabran gosp. Mehmedalija Pašalić.

Nakon toga je stavljen veto na član 27 Zakona o Vijeću Uposlenika i ovaj Sindikat neće dati suglasnost Vijeću Uposlenika na član 27.

Pod razno je pokrenuta inicijativa za smjenu Predsjednika Skupštine gosp. Mirsada Alibegovića od strane prisutnih delegata.

Nakon toga jednoglasnom odlukom svih prisutnih delegata izglasana je smjena Predsjednika Skupštine gosp. Mirsada Alibegovića te je također jednoglasnom odlukom za Predsjednika Skupštine izabran gosp. Mugdim Šehagić.

Za predsjednika Nadzornog Odbora je izabran gosp. Suad Halilović.

Ova skupština je donijela odluku da opunomoći advokata Maju Škoro da tužbenim zahtjevom ospori nezakonito usvojene privremene izmjene Kolektivnog Ugovora Željezničara FBiH i VIII izmjena i dopuna Pravilnika o Radu, te da se potpis tadašnjeg Predsjednika Sindikata gosp. Ismaila Zejnelija proglasi nevažećim jer je u to vrijeme jednoglasnom odlukom Upravnog Odbora Sindikat vodio i zastupao tadašnji Zamjenik Predsjednika Sindikata gosp. Igor Boban.

Skupština je obavezala Nadzorni Odbor SSIQPI ŽFBiH da u što kraćem roku napravi izvješća kako bi se utvrdilo da li je već smijenjeni Predsjednik Sindikata gosp. Ismail Zejneli zloupotrijebio sindikalna novčana sredstva.

Novo rukovodstvo SSIQPI ŽFBiH je:

Igor Boban-Predsjednik Sindikata,
Šehid Avdić-Zamjenik Predsjednika Sindikata
Mehmedalija Pašalić-Sekretar Sindikata
Suad Halilović-Predsjednik Nadzornog Odbora
Mugdim Šehagić-Predsjednik Skupštine

kontakt tel.063/345-854
kontakt tel.062/185-331
kontakt tel.061/383-004
kontakt tel.061/346-225
kontakt tel.062/679-579


S,poštovanjem.

Dostavljeno:

- podružnicama,
- članstvu,
- a/a.



Predsjednik Skupštine
SSIQPI ŽFBiH


Mugdim Šehagić

